



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00, 102/09 i 54/10), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2011. GODINU BOSANSKOHERCEGOVAČKE NARODNE STRANKE

Broj: 03-07-6-422/12
Sarajevo, 20. novembar 2012. godine

SADRŽAJ

| | |
|---|---|
| MIŠLJENJE REVIZORA | 3 |
| 1. UVOD | 4 |
| 2. PREDSTAVLJANJE POLITIČKE STRANKE | 4 |
| 3. OPIS PREGLEDA I KONTROLE FINANSIJSKOG IZVJEŠTAJA | 5 |
| Predmet pregleda i kontrole | 5 |
| Cilj pregleda i kontrole | 5 |
| Obim pregleda i kontrole | 5 |
| 4. PRETHODNE KONTROLE I REVIZIJE | 5 |
| 5. NALAZI I PREPORUKE | 5 |
| 5.1. NALAZI..... | 5 |
| 5.2. PREPORUKE | 7 |

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Bosanskohercegovačke narodne stranke za 2011. godinu.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

- 1. Bosanskohercegovačka narodna stranka prekršila je odredbe člana 8. stav (1) i člana 11. stav (1) Zakona o finansiranju političkih stranaka.**

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Bosanskohercegovačke narodne stranke za 2011. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Bosanskohercegovačka narodna stranka je ostvarila ukupne prihode u iznosu od 7.670,00 KM, čija struktura je data u sljedećoj tabeli¹:

| Red. br. | Vrsta prihoda | Iznos u KM | Učešće u uk. prih. % |
|----------|------------------------|-----------------|----------------------|
| 1 | Članarina | 600,00 | 7,82% |
| 2 | Prilozi fizičkih lica | 1.890,00 | 24,64% |
| 3 | Prilozi pravnih lica | 500,00 | 6,52% |
| 4 | Prihodi od imovine | 0,00 | 0,00% |
| 5 | Prihodi od pr.lica | 0,00 | 0,00% |
| 6 | Prihodi od poklona | 1.080,00 | 14,08% |
| 7 | Prihodi iz budžeta | 3.600,00 | 46,94% |
| | Ostali prihodi | 0,00 | 0,00% |
| | Ukupni prihodi: | 7.670,00 | 100,00% |

U godišnjem finansijskom izvještaju stranka je iskazala ukupne rashode u iznosu od 10.391,20 KM².

2. PREDSTAVLJANJE POLITIČKE STRANKE

Naziv političke stranke: Bosanskohercegovačka narodna stranka. Skraćeni naziv: BNS.

Bosanskohercegovačka Podrinjska narodna stranka je upisana u registar Općinskog suda u Sarajevu rješenjem broj: 065-0-REG-08-001614 od 19.05.2008. godine. Dana 03.05.2012. godine rješenjem Općinskog suda u Sarajevu, broj: 065-0-F1-12-000015, izmijenjen je naziv političke stranke, koji sada glasi: "Bosanskohercegovačka narodna stranka".

Sjedište političke stranke je u Sarajevu, Vilsonovo šetalište br. 10.³

Ovlašteno lice za zastupanje stranke u 2011. godini je Seid Karić, predsjednik.⁴

Lice ovlašteno za podnošenje finansijskih izvještaja za 2011. godinu je Javorka Rejc.

¹ Podaci iz ispravljenog obrasca 3 (ukupni prihodi političke stranke) godišnjeg finansijskog izvještaja za 2011. godine, koji je dostavljen dana 07.11.2012. godine.

² Podaci iz ispravljenog obrasca 4 (ukupni rashodi političke stranke) godišnjeg finansijskog izvještaja za 2011. godine, koji je dostavljen dana 07.11.2012. godine.

³ Prema podacima iz godišnjeg finansijskog izvještaja za 2011. godinu, sjedište BNS je u Sarajevu, ul. Džemala Bijedića br. 160. Dana 05.09.2012. godine, aktom br. 169-09/12, BNS je obavijestila Centralnu izbornu komisiju BiH o promjeni adrese stranke (Vilsonovo šetalište br. 10).

⁴ Rješenjem broj: 065-0-F1-12-000015 od 03.05.2012. godine u registar Općinskog suda u Sarajevu upisana je promjena lica ovlaštenih za zastupanje i predstavljanje stranke, i to: Edhem Bičakčić, predsjednik i Seid Kadić, zamjenik predsjednika.

Prema podacima iz godišnjeg finansijskog izvještaja za 2011. godinu, Bosanskohercegovačka narodna stranka nema niže nivoe organizovanja.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Bosanskohercegovačke narodne stranke za 2011. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Bosanskohercegovačke narodne stranke obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na članarinu i prihode iz budžeta.

4. PRETHODNE KONTROLE I REVIZIJE

U prethodnom periodu izvršeni su pregled i revizija finansijskih izvještaja Bosanskohercegovačke narodne stranke za period od 2005.-2010. godine, nakon kojih su izdati izvještaji o pregledu, odnosno izvještaji o reviziji sa mišljenjem revizora, nalazima i preporukama revizije.

Nakon izvršenog pregleda za 2010. godinu, Služba za reviziju je izdala Izvještaj o pregledu godišnjeg finansijskog izvještaja Bosanskohercegovačke narodne stranke sa mišljenjem revizora i nalazima da je stranka postupala u skladu sa odredbama Zakona o finansiranju političkih stranaka.

5. NALAZI I PREPORUKE

5.1. NALAZI

a) Bosanskohercegovačka narodna stranka prekršila je odredbe člana 8. stav (1) Zakona o finansiranju političkih stranaka⁵.

Dana 07.10.2009. godine, OO BNS Ilidža je sa Općinom Ilidža sklopio Ugovor o zakupu poslovnog prostora, broj: 05-23-2144/09. Ugovorom je definisano da će OO BNS Ilidža, počev od 01.10.2009. godine pa do 30.09.2012. godine, koristiti poslovni prostor površine 13,00 m², po cijeni koja je ugovorena u iznosu od 2,00 KM po m², odnosno 10% od početne cijene zakupa po m², koja iznosi 20,00 KM za ekstra zonu u kojoj se nalazi navedeni poslovni prostor.

⁵ Državni, entitetski i kantonalni organi, organi Brčko Distrikta BiH, organi opštinskih i mjesnih zajednica, javne institucije, javna preduzeća, humanitarne organizacije, anonimni donatori, vjerske zajednice, kao i pravna lica u kojima uloženi javni kapital iznosi najmanje 25% ne mogu da finansiraju političke stranke.

Korištenjem poslovnog prostora po cijeni koja je ispod početne, Bosanskohercegovačka narodna stranka je primila prilog Općine Ilidža u iznosu od 2.808,00 KM, čime je prekršila odredbe člana 8. stav (1) Zakona o finansiranju političkih stranaka.

b) Bosanskohercegovačka narodna stranka prekršila je odredbe člana 11. stav (1) Zakona o finansiranju političkih stranaka.

Bosanskohercegovačka narodna stranka postupila je u skladu sa preporukama Službe za reviziju koje su date u Preliminarnom izvještaju o pregledu godišnjeg finansijskog izvještaja za 2011. godinu i izvršila ispravku obrazaca godišnjeg finansijskog izvještaja za 2011. godinu, čime je postupila u skladu sa Pravilnikom o godišnjim finansijskim izvještajima političkih stranaka i članom 11. stav (3) Zakona o finansiranju političkih stranaka.

Bosanskohercegovačka narodna stranka je uz odgovor na Preliminarni izvještaj o pregledu godišnjeg finansijskog izvještaja za 2011. godinu dostavila i ispravku Bruto bilansa BNS na dan 31.12.2011. godine. Služba za reviziju je izvršila uvid u dostavljeni Bruto bilans i utvrdila da je stranka u 2011. godini evidentirala i troškove zakupa koji su nastali ranijih godina, odnosno obaveze prema dobavljačima.

Na osnovu navedenog, mišljenja smo da stranka nije vodila potpune evidencije o svojim rashodima, tj. da rashodi nisu evidentirani u momentu nastanka obaveze, čime su prekršene odredbe člana 11. stav (1) Zakona o finansiranju političkih stranaka.

Troškovi predizborne kampanje

Bosanskohercegovačka narodna stranka je dana 06.06.2011. godine učestvovala je na Prijevremenim izborima za Načelnika općine Ilidža.

U skladu sa odredbama člana 15.10 Izbornog zakona BiH, politička stranka za potrebe izborne kampanje ne smije potrošiti više od 0,30 odnosno 0,20 KM⁶ po biraču u svakom izbornom krugu, prema broju birača koje je objavila Centralna izborna komisija BiH.

Prema podacima Centralne izborne komisije BiH, Bosanskohercegovačka narodna stranka je u svrhu izborne kampanje mogla da potroši 16.709,70 KM.

Bosanskohercegovačka narodna stranka nije u svojim poslovnim knjigama i finansijskom izvještaju za 2011. godinu iskazala troškove kampanje.

⁶ Član 15.10 stav 2. propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

5.2. PREPORUKE

Preporučuje se Bosanskohercegovačkoj narodnoj stranci da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da ne prima priloge koji su zabranjeni odredbama člana 8. stav (1) Zakona o finansiranju političkih stranaka,*
- *da, u skladu sa članom 11. stav (1) Zakona o finansiranju političkih stranaka, vodi potpune evidencije o svojim rashodima, i*
- *da redovno vrši usaglašavanje svojih obaveza prema dobavljačima, odnosno prema povjeriocima po osnovu pozajmica.*

KOMENTAR:

U ostavljenom roku, Bosanskohercegovačka narodna stranka dostavila je odgovor na Preliminarni izvještaj o pregledu godišnjeg finansijskog izvještaja za 2011. godinu. Stranka je uz odgovor dostavila i ispravljene obrasce godišnjeg finansijskog izvještaja, čime je postupila u skladu sa preporukama koje je dala Služba za reviziju. Takođe, stranka je dostavila i ispravku Bruto bilansa stranke na dan 31.12.2011. godine.

Služba za reviziju je sve argumentovane primjedbe Bosanskohercegovačke narodne stranke uvažila i u tom dijelu izmijenila nalaze.

Mr. Hasida Gušić, šef Službe za reviziju

Sanja Čabrilo, revizor